



IROMAG

Odlazni studenti



U OVOM BROJU

49. GODIŠNJICA UNIVERZITETA

**TURNIR U STONOM TENISU -
2026**

**DODJELA REKTOROVIH
NAGRADA**

**REVIJALNA UTAKMICA
STUDENATA I
ZAPOSLENIKA**

**SVEČANA PROMOCIJA
DOKTORA NAUKA**

**ISKUSTVA STUDENATA:
SANINA, LEJLA & ESMA**

by IROUNMO

Program obilježavanja 49. godišnjice Univerziteta započeo je svečanim prijemom penzionisanih zaposlenika, čime je odata počast onima koji su svojim dugogodišnjim radom doprinijeli razvoju i ugledu Univerziteta.

Svečani prijem održan je u amfiteatru Ekonomskog fakulteta. Prisutnima se obratila rektorica prof. dr. Alena Huseinbegović, naglasivši da Univerzitet predstavlja rezultat decenija kontinuiranog rada, jasne vizije i posvećenosti svih koji su bili dio njegove akademske zajednice.

U nastavku programa, menadžment Univerziteta položio je cvijeće na spomen-bistu Džemala Bijedića, kao i na spomen-obilježje Mirsada Hujdura Hujke i saboraca, odajući počast njihovom značaju i doprinosu. Nakon toga upriličeno je zajedničko druženje uz ručak sa penzionisanim zaposlenicima.

TURNIR U STONOM TENISU - 2026

By IROUNMO

U okviru programa obilježavanja 49. godišnjice Univerziteta, u dvorani „Sport i zdravlje“ na Nastavničkom fakultetu održan je turnir u stonom tenisu.

Turnir je otvorio prorektor za međunarodnu i univerzitetsku saradnju prof. dr. Rijad Novaković.

Prvo mjesto osvojila je Sara Hamzakadić sa Ekonomskog fakulteta, drugo mjesto pripalo je Emiru Đulimanu iz Srednje elektrotehničke škole „Salih Salko Ćurić“ Mostar, dok je treće mjesto zauzeo Adi Balta sa Mašinskog fakulteta.

Ovaj sportski događaj još jednom je potvrdio važnost fizičke aktivnosti i međusobnog povezivanja mladih kroz univerzitetske aktivnosti.



DODJELA REKTOROVIH NAGRADA

By IROUNMO

U okviru Svečane sjednice Senata povodom obilježavanja 49. godišnjice Univerziteta, rektorica prof. Dr. Alena Huseinbegović uručila je Rektorove nagrade za najbolje studente.

Dobitnici nagrade I ciklusa studija su: Emina Husejić, Haris Hodžić, Armin Đideliya, Ajla Džafić, Azemina Gosto, Josipa Knežović, Šeherzada Operta, Azra Gološ, Ivana Vujadinvić, Amila Glamočak, Nejlja Lepara i Emir Zečić, dok su Rektorovu nagradu za najbolje studente sa najboljim ostvarenim uspjehom na I i II ciklusu studija dobili: Amna Šoš, Amina Kajtaž i Aldijana zukić.

Rektorova nagrada uručena je i za najbolji ostvareni uspjeh na integrisanom univerzitetskom studiju Famacija i to studentici Aldini Šafro.

U ime dobitnika Rektorove nagrade obratila se studentica Ajla Džafić, koja je istakla da je Univerzitet bio podrška studentima tokom cijelog studija.



REVIJALNA UTAKMICA STUDENATA I ZAPOSLENIKA

By IROUNMO

U okviru programa obilježavanja 49. godišnjice Univerziteta odigrana je revijalna utakmica između zaposlenika i studenata.

Pobjedu su odnijeli zaposlenici Univerziteta rezultatom 4:3. Golove za tim zaposlenika postigli su Goran Ćurić, Amel Jazvin (dva gola) i Mirza Čamo, dok su za studentsku ekipu golove dali Omar Kozić, Anel Balavac i Šaban Gačić.

Ova utakmica još jednom je potvrdila važnost sporta i zajedničkih aktivnosti u jačanju odnosa između studenata i zaposlenika.



SVEČANA PROMOCIJA DOKTORA NAUKA

By IROUNMO

U četvrtak, 12.02., u amfiteatru Fakultet humanističkih nauka Univerziteta Džemal Bijedić u Mostaru, u okviru obilježavanja 49. godišnjice Univerzitet Džemal Bijedić u Mostaru, održana je svečana promocija novih doktora nauka.

Na početku ceremonije prisutnima su se obratili prorektorica za nauku i naučno-istraživački rad doc. dr. Amela Piralić i ministar obrazovanja, nauke, kulture i sporta HNK prof. dr. Adnan Velagić. Mentori su potom predstavili biografije kandidata, njihova ranije stečena zvanja, izvještaje sa odbrana doktorskih disertacija te naučno-istraživački doprinos kandidata.

Rektorica Alena Huseinbegović promovisala je šest kandidata na čast doktora nauka.

Na čast doktora nauka promovisani su:

- Mile Galić – društvene nauke (kineziologija, grana: kineziologija sporta i rekreacije), doktorski studij kineziologije na Nastavničkom fakultetu.
- Goran Škondrić – tehničke nauke (računarstvo i informatika, grana: informacijski sistemi i tehnologije), doktorski studij Politehnika.
- Džafer Alić – društvene nauke (kineziologija, grana: kineziologija sporta i rekreacije), doktorski studij kineziologije na Nastavničkom fakultetu.
- Faris Trešnjo – tehničke nauke (građevinstvo, grana: nosive konstrukcije), doktorski studij Politehnika.
- Edin Šemić – tehničke nauke (tehnička mehanika i robotika), doktorski studij Politehnika.
- Elmida Burina – društvene nauke (pravo, grana: evropsko pravo), doktorski studij evropskog prava na Pravnom fakultetu.

Ceremonija je završena zajedničkim fotografisanjem i neformalnim druženjem učesnika, čime je zaokružen još jedan događaj u okviru godišnjice Univerziteta.





SVEČANA DODJELA DIPLOMA - 2026

By IROUNMO

Univerzitet „Džemal Bijedić“ u Mostaru obilježio je 49. godišnjicu svečanom promocijom i dodjelom diploma u Sportskoj dvorani Sjeverni logor. Na ceremoniji je ukupno 493 diplomanta, s I i II ciklusa studija, primilo svoje diplome. Ranije su promovisani i 6 doktora nauka.

Diplomantima se na početku ceremonije obratila rektorica prof. Dr. Alena Huseinbegović. U obraćanjima su učestvovali i Adla Rizvanović, predstavnica Ministarstva obrazovanja, nauke, kulture i sporta Hercegovinačko-neretvanskog kantona, te Amir Čaušević, predsjednik Unije studenata.

Program obilježavanja završio je 14. februara svečanom dodjelom diploma i promocijom dokumentarnog filma „Plodovi vizije – prof. Dr. Safet Krkić“ u Narodnom pozorištu Mostar.



IROMAG



/iro.unmo



@iro.unmo



/iro.unmo

IROMAG TEAM
MIRSADA BEHRAM
LEJLA ŠKALJIĆ
AMILA VRTIĆ

